



**Meeqqat Inuunerissut tusarniaanermi akissutaat ”uunga missingiut: Meeqqanut ulloq unnuarlu angerlarsimaffinnik pilersitsisarneq ingerlatsinerlu pillugit Namminersorlutik Oqartussat nalunaarutaat nr. XX... 2018-imeersoq”**

Nuuk 7. november 2018

Ataatsimut isigalugu pitsaanerpaanngilaq, nalunaarummi piumasaqaatit akuersissutillu assigiinngitsut sanioqqunneqarsinnaanerannut periarfissanik amerlavallaanik tunniussisoqaraangat. Sanioqqussinerit attassiinnartarnernik kinguneqarsinnaapput, taamaattumik Isumaginninnermut Aqutsisoqarfimmi inatsisinik nammineq nakkutiginnissinnaaneq qaffasissiq kiisalu NGO't akornanni eqqummaarinnissaq pisariaqartinneqarpoq, inissisimaffiit attatiinneqannginnissaat qulakkeerneqassappat.

Tamanna pingaartumik atuuppoq illup ilusissaanut piumasaqaatinik sanioqqussisinnaanermut. Qulakkeerneqartariaqarpoq, illup ilusissaanut piumasaqaatit sanioqqunneqarsinnaanerannut ukiumit ukiumut akuersissuinik tunniussisoqartannginnissaa. Angerlarsimaffiup ilusilersonera, matuma ataani meeqqap nammineq ineeraa, meeqqanut taakkunanilu ukioqatigiiaanut tulluussarneqarnissaat pingaarnertinneqassaaq. Matumani meeqqat, sapinngisamik aamma 12-inik ukioqalinngitsut ilaatinneqassapput.

Perorsaanikkut pissutsitigut meeqqap nammineq ineeraqannginnissaa kisiannili qatanngummik ineeraqateqarnissaa pisariaqarsinnaavoq. Aammaarluni tamanna immikkut ittuussaaq, pingaartumik meeqqat annerusut, tunuarsimaarnissamut kisimiinnissamullu periarfissaqartariaqartut pineqartillugit. Pisuni tamani perorsaanikkut tungavilersorluakkamik isummertoqartarnissaa pingaaruteqarpoq.

Inussiarnersumik Inuulluaqqusillunga

MIBB/Anette Jørgensen, siulittaasoq